

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին 16.09.2020թ. թիվ 2011625004 որոշումն անփոփոխ, իսկ վարչական բողոքն առանց բավարարման թողնելու մասին

<<13>> 10 2020թ. 7-13 13487

ք.Երևան

Ճանապարհային ոստիկանության պետ, ոստիկանության գնդապետ Ե.Կարապետյանս, վերանայելով Գագիկ Թովմասյանի ՄԴ/145086-20 դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Երևան քաղաքի Կենտրոն վարչական շրջանի Մաշտոցի պողոտայի 2 շենքի 31Ա բնակարանի բնակիչ Գագիկ Թովմասյանը դիմումով խնդրել է բեկանել Ճանապարհային ոստիկանության վարչական տույժ նշանակելու թիվ 2011625004 որոշումը՝ նշելով, որ տեսանյութը բացակայում է:

Դիմումի քննարկման արդյունքում պարզվել է, որ դիմումատուին վարչական պատասխանատվության ենթարկելու մասին թիվ 2011625004 որոշումն ենթակա է կատարման հետևյալ պատճառաբանությամբ.

<<Տեսանկարահանող և լուսանկարահանող սարքերով հայտնաբերված ճանապարհային երթևեկության կանոնների խախտումների վերաբերյալ գործերով իրականացվող վարչական վարույթի առանձնահատկությունների մասին>> օրենքի 3-րդ հադվածի 1-ին մասի համաձայն՝ վարչական վարույթի իրավախախտման հատկանիշների պարզման փուլում իրավախախտումը հիմնավորող ապացույցը իրավախախտումն ամրագրած **տեսանյութն է կամ լուսանկարը**, որը պարունակում է նաև տեխնիկական միջոցով արձանագրված տվյալները: Ըստ նույն հոդվածի 2-րդ մասի՝ որպես իրավախախտումը հիմնավորող ապացույց վարչական կամ դատական կարգով բողոքարկման վարույթում կարող են օգտագործվել Վարչական իրավախախտումների վերաբերյալ Հայաստանի Հանրապետության օրենսգրքի 251-րդ հոդվածով նախատեսված ապացույցները:

<< կառավարության <<Ճանապարհային երթևեկության կանոնները և տրանսպորտային միջոցների շահագործումն արգելող անսարքությունների ու պայմանների ցանկը սահմանելու մասին>> 28.06.2007թ. թիվ 955-Ն որոշման 60-րդ կետի համաձայն՝ **եթե երթևեկելի մասը գծանշմամբ բաժանված է գոտիների, ապա տրանսպորտային միջոցների երթևեկությունը պետք է իրականացվի նշված գոտիներով: Ընդհատվող գծերը կարելի է հատել միայն վերադասավորվելիս:**

Ճանապարհային ոստիկանության վարչական տույժ նշանակելու մասին թիվ 2011625004 որոշման հիմքում դրված տեսանյութի դանդաղեցված և դրվագային ուսումնասիրությունն հստակ ապացուցում է, որ դիմումատուին պատկանող <<NISSAN>> մակնիշի 86RR111 հաշվառման համարանիշի տրանսպորտային միջոցը 01.09.2020թ. ժամը 20:52-ին Երևան քաղաքի Գր.Լուսավորիչ-Արգիշտի-Իտալիա-Բեյրութ փողոցների խաչմերուկի հատվածում խախտելով վերը նշված նորմի պահանջը հատել է համընթաց ուղղության տրանսպորտային հոսքերն իրարից բաժանող 1.11՝ հոծ և ընդհատվող գծերի համակցությունը չթույլատրված կողմից, ինչը << կառավարության 28.06.2007թ.թիվ 955-Ն որոշմամբ արգելված է:

Ինչ վերաբերվում է տեսանյութ չլինելու դիմումատուի պնդմանը, ապա հարկ է նշել, որ նշված տեսանյութը տեղադրված է ՀՀ ոստիկանության համացանցային (police.am) կայքէջում հասանելի է և հստակ ,ինչպես նաև տեսնյութի հետ կապված որևէ խնդիր չի հայտնաբերվել, հետևաբար տեսանյութը նայելու անհնարինությունը կարող է կապված լինել դիմումատուի համակարգչի ծրագրային ապահովման հետ:

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին 16.09.2020թ. թիվ 2011625004 որոշումը թողնել անփոփոխ, իսկ վարչական բողոքն առանց բավարարման:
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:
3. Սույն որոշման օրինակն ուղարկել Գագիկ Թովմասյանին:



Ե.Կարապետյան

Կատարող՝ Տ.Մարգարյան
Հեռ. 060-83-84-02